

**SAOPĆENJE POVODOM OBUSTAVLJANJA FINANSIJSKE REVIZIJE „OPERATORA ZA OBNOVLJIVE  
IZVORE ENERGIJE I EFIKASNU KOGENERACIJU“ ZA 2018. GODINU**

Godišnjim planom revizije za 2018/2019. godinu Ureda za reviziju institucija u FBiH, planirana je finansijska revizija „Operatora za obnovljive izvore energije i efikasnu kogeneraciju“ (u daljem tekstu Operator), za 2018. godinu.

Prethodna revizija počela je 10.12.2018. godine, međutim, zbog nedostavljanja tražene dokumentacije već na početku obavljanja prethodne revizije, nastalo je ograničenje djelokruga revizije. Nakon više pokušaja traženja dokumentacije i ne dostavljanja iste, direktor Operatora je nemogućnost dostavljanja dokumentacije potvrdio izjavom, te je generalni revizor Ureda za reviziju, Dževad Nekić, donio Zaključak o prekidu revizije. O prekidu su obavješteni Vlada FBiH kao osnivač Operatora, kao i Parlamentarna komisija odgovorna za reviziju.

Na zahtjev direktora Operatora, Ured za reviziju je produžio rok za naknadno dostavljanje tražene dokumentacije, do 31.01.2019. godine. S obzirom da su naknadno dostavljene određene informacije o poslovanju od strane Operatora, te da se Uprava obavezala da će dostaviti i ostalu potrebnu dokumentaciju, Ured za reviziju najavio je završnu reviziju za 04.03.2019. godine.

Međutim, s obzirom na to da tražena dokumentacija koja bi omogućila obavljanje završne revizije u predviđenom roku nije dostavljena Uredu za reviziju, te da je Direktor Operatora izjavama potvrdio nemogućnost dostavljanja tražene dokumentacije za obavljanje završne revizije za 2018. godinu, donesen je Zaključak o obustavi završne revizije Operatora za 2018. godinu, 19.03.2019. godine.

O obustavljanju revizije, shodno Zakonu o reviziji institucija u FBiH, obavještene su nadležne institucije, te se ovim putem i javnost informiše o istom. Zaključak o obustavi je u prilogu ovog saopćenja.

Sarajevo, 25.03.2019. godine



Broj: 12-14-2068-18/2018  
Sarajevo, 19.03.2019. godine

Na osnovu člana 21. stav 1. i člana 22. stav 2. Zakona o reviziji institucija u Federaciji Bosne i Hercegovine («Službene novine Federacije BiH», broj: 22/06), generalni revizor d o n o s i

#### ZAKLJUČAK

##### **o obustavi finansijske revizije „Operatora za obnovljive izvore energije i efikasnu kogeneraciju“ za 2018. godinu**

Obustavlja se finansijska revizija Operatora za obnovljive izvore energije i efikasnu kogeneraciju (u daljem tekstu: Operator) za 2018. godinu, a zbog nemogućnosti dobivanja revizorskih dokaza za izvršenje finansijske revizije, u skladu sa Zakonom o reviziji institucija u FBiH („Sl. novine FBiH“, broj 22/06) i Međunarodnim revizijskim standardom 705 – Modifikacije mišljenja u izvještaju nezavisnog revizora (u daljem tekstu: MRevS 705).

#### Obrazloženje

Shodno Planu revizija za 2018/2019. godinu Ureda za reviziju institucija u FBiH, broj: 12-14-1682-2/18 od 04.10.2018. godine i Odluke o određivanju timova i rasporedu subjekata po timovima finansijske revizije za 2018/2019. godinu, broj: 12-14-1682-3/18 od 05.10.2018. godine, revizijski tim u sastavu Milićević Marijana, vođa tima i Đulić Belma, član tima, otpočeo je finansijsku reviziju Operatora za obnovljive izvore energije i efikasnu kogeneraciju za 2018. godinu (u daljem tekstu: Operator za OIEiEK), dana 10.12.2018. godine.

Revizijski tim je obavijestio nadležnu rukovoditeljicu, u vezi okolnosti nastalih prilikom obavljanja prethodne revizije, a koje se odnose na nemogućnost dobivanja dovoljnih i primjerenih revizorskih dokaza i nepridržavanja Operatora za OIEiEK sa odredbama Zakona o reviziji institucija u FBiH u dijelu poglavlja V. Ovlaštenje za prikupljanje informacija. Navedeno je potvrđeno Izjavom Direktora Operatora za OIEiEK o nemogućnosti dostavljanja dokumentacije (broj: 02-1272-2/18).

S obzirom na to da se za ograničenje djelokruga revizije saznalo na početku obavljanja prethodne revizije, te da tim nije bio u mogućnosti prikupiti ni osnovnu dokumentaciju niti obaviti revizijske testove, utvrđeno je da su ispunjeni uslovi za prekid revizije u skladu sa članom 13.b(i) MRevS 705, te je nadležna rukovoditeljica, nakon sagledavanja svih činjenica, dala prijedlog generalnom revizoru da se prekine finansijska revizija Operatora za OIEiEK za 2018. godinu, o čemu je donesen Zaključak o prekidi finansijske revizije „Operatora za obnovljive izvore energije i efikasnu kogeneraciju“ za 2018. godinu broj: 12-14-2068-5/2018 od 14.12.2018. godine.

Nakon što je prekinuta prethodna revizija Operatora za OIEiEK iz razloga što nije dostavljena tražena dokumentacija, Operatoru za OIEiEK je data mogućnost naknadnog dostavljanja dokumentacije. S obzirom na to da su Uredu naknadno dostavljene informacije o poslovanju i tabelarni pregledi od Operatora za OIEiEK, Ured za reviziju najavio je završnu reviziju dopisom od 08.02.2019. godine (broj 08-14-3-2068-11/18), kojim se obavještavaju da će završna revizija započeti 04.03.2019. godine. Uz dopis dostavljen je i Pregled potrebne dokumentacije za izvršenje završne revizije.

Međutim, Operator za OIEiEK nije dostavio traženu dokumentaciju prije početka obavljanja završne revizije kao i na dan početka završne revizije, 04.03.2019. godine, niti naredna tri dana završne revizije.

Slijedom održanih sastanaka i obavljenih razgovora sa odgovornim u Operatoru za OIEiEK, sagledavanja svih činjenica i dostavljene obavijesti tima za reviziju u sastavu Marijana Milićević i Merima Čerkez u vezi okolnosti nastalih prilikom obavljanja završne revizije Operatora za OIEiEK, nadležna rukovoditeljica Dunja Logo dala je prijedlog:

Da se obustavi obavljanje završne revizije Operatora za OIEiEK za 2018. godinu zbog ograničenja djelokruga revizije, a čija je posljedica nemogućnost dobivanja dovoljnih i primjerenih revizorskih dokaza, te da se obavijeste nadležni organi i institucije o povlačenju iz revizije.

Prijedlog je sačinjen uvažavajući odredbe Zakona o reviziji u dijelu V. Ovlaštenje za prikupljanje informacija i Međunarodnog revizijskog standarda 705-Modifikacije mišljenja u izvještaju nezavisnog revizora (MRevS 705), prema kojem u slučaju da revizor ne može dobiti dostatne i primjerene revizijske dokaze, revizor će:

b (i) povući se iz revizije, gdje je to izvodivo i moguće prema primjenjivom zakonu ili regulativi ili

b (ii) ako povlačenje iz revizije prije izdavanja revizorovog izvještaja nije izvodivo ili moguće, suzdržati se od mišljenja o finansijskim izvještajima.

Dakle, ponovo je nastupilo ograničenje djelokruga revizije jer tražena dokumentacija koja bi omogućila obavljanje završne revizije u predviđenom roku nije dostavljena. S obzirom da tim za reviziju nije bio u mogućnosti prikupiti ni osnovne revizorske dokaze niti obaviti minimum revizijskih testova, kao i da je rukovodilac Operatora za OIEiEK dao izjave o nemogućnosti dostave tražene dokumentacije u svrhu finansijske revizije Operatora za OIEiEK za 2018. godinu (broj: 02-215-12/18 od 08.03.2019. godine i broj: 02-267-12/19 od 14.03.2019. godine), ispunjeni su uslovi za povlačenje iz revizije u skladu sa tačkom 13. b. (i) MRevS 705, a istovremeno se Zakonom o reviziji institucija u Federaciji Bosne i Hercegovine ne ograničava povlačenje iz revizije.


Nadalje, u skladu sa članom A15. MRevS 705 „kada revizor zaključi da je povlačenje iz revizije nužno zbog ograničenja djelokruga, može postojati profesionalni, zakonski ili regulativni zahtjev da revizor saopšti regulatorima ili vlasnicima poslovnog subjekta pitanja u vezi s povlačenjem“. S obzirom na to da član 19. Zakona o reviziji nalaže da Ured za reviziju obavijesti i nadležne organe za provođenje zakona kada postoje indicije o postojanju značajnih kršenja Zakona, o povlačenju i obustavi iz završne revizije biće obaviještene i nadležne institucije (Parlamentarna komisija odgovorna za reviziju, Vlada FBiH i tužilaštvo), u skladu sa A15 MRevS 705 i članom 19. Zakona o reviziji institucija u Federaciji Bosne i Hercegovine.

Na osnovu svega izloženog, generalni revizor je donio Zaključak o obustavi finansijske revizije Operatora za obnovljive izvore energije i efikasnu kogeneraciju za 2018. godinu.

Dostaviti:

- Operatoru za obnovljive izvore energije i efikasnu kogeneraciju
- Parlamentarnoj komisiji odgovornoj za reviziju
- Vlada Federacije BiH
- Kantonalnom tužilaštvu HNK
- Revizorskom timu
- Rukovodiocu sektora za finansijsku reviziju zavoda, fondova i agencija
- Višem revizoru za međunarodnu saradnju i komunikacije
- Odjeljenju za pravne i opće poslove
- a/a.

  
**GENERALNI REVIZOR**  
**Dževad Nekić, dipl. oec.**



Broj: 12-14-2068-5/2018  
Sarajevo, 14.12.2018. godine

Na osnovu člana 21. stav 1. i člana 22. stav 2. Zakona o reviziji institucija u Federaciji Bosne i Hercegovine («Službene novine Federacije BiH», broj: 22/06), generalni revizor d o n o s i

#### ZAKLJUČAK

**o prekidu finansijske revizije „Operatora za obnovljive izvore energije i efikasnu kogeneraciju“ za 2018. godinu**

Prekida se finansijska revizija Operatora za obnovljive izvore energije i efikasnu kogeneraciju (u daljem tekstu: Operator) za 2018. godinu, u skladu sa Međunarodnim revizijskim standardom 705 – Modifikacije mišljenja u izvještaju nezavisnog revizora (u daljem tekstu: MRevS 705), a zbog nemogućnosti dobivanja revizorskih dokaza u skladu sa Zakonom o reviziji institucija u FBiH („Sl. novine FBiH“, broj 22/06).

#### Obrazloženje

Shodno Planu revizija za 2018/2019. godinu Ureda za reviziju institucija u FBiH, broj: 12-14-1682-2/18 od 04.10.2018. godine i Odluke o određivanju timova i rasporedu subjekata po timovima finansijske revizije za 2018/2019. godinu, broj: 12-14-1682-3/18 od 05.10.2018. godine, revizijski tim u sastavu Miličević Marijana, vođa tima i Đulić Belma, član tima, otpočeo je finansijsku reviziju Operatora za obnovljive izvore energije i efikasnu kogeneraciju za 2018. godinu, dana 10.12.2018. godine.

Revizijski tim je obavijestio nadležnu rukovoditeljicu, u vezi okolnosti nastalih prilikom obavljanja prethodne revizije, a koje se odnose na nemogućnost dobivanja dovoljnih i primjerenih revizorskih dokaza i nepridržavanja Operatora sa odredbama Zakona o reviziji institucija u FBiH u dijelu poglavlja V. Ovlaštenje za prikupljanje informacija. Navedeno je potvrđeno Izjavom Direktora Operatora o nemogućnosti dostavljanja dokumentacije (broj: 02-1272-2/18).

S obzirom na to da se za ograničenje djelokruga revizije saznalo na početku obavljanja prethodne revizije, te da tim nije bio u mogućnosti prikupiti ni osnovnu dokumentaciju niti obaviti revizijske testove, utvrđeno je da su ispunjeni uslovi za prekid revizije u skladu sa članom 13.b(i) MRevS 705, te je nadležna rukovoditeljica, nakon sagledavanja svih činjenica, dala prijedlog generalnom revizoru da se prekine finansijska revizija Operatora za 2018. godinu.

Na osnovu svega izloženog, generalni revizor je donio Zaključak o prekidu finansijske revizije Operatora za obnovljive izvore energije i efikasnu kogeneraciju za 2018. godinu.

Dostaviti:

- Operatoru za obnovljive izvore energije i efikasnu kogeneraciju
- Parlamentarna komisija odgovorna za reviziju
- Revizionom timu
- Rukovodiocu sektora za finansijsku reviziju zavoda, fondova i agencija
- Višem revizora za međunarodnu saradnju i komunikacije
- Ⓢ Odjeljenju za pravne i opće poslove
- a/a.

**GENERALNI REVIZOR**

**Dževad Nekić, dipl. oec.**